

Eintak af ársreikningnum skal senda félagsmálaráðuneytinu og Hagstofu Íslands fyrir 15. júní ár hvert ásamt greinargerð endurskoðanda og skoðunarmanna.

Samþykkt þessi sem sveitarstjórn Djúpárhrepps hefur sett samkvæmt ákvæðum 10. og 25. gr. sveitarstjórnarlaga nr. 45/1998 staðfestist hér með til að öðlast þegar gildi. Jafnframt fellur úr gildi samþykkt um stjórn og fundarsköp Djúpárhrepps nr. 182/1995.

Félagsmálaráðuneytinu, 29. mars 2000.

F. h. r.

Húnbogi Þorsteinsson.

Sesselja Árnadóttir.

Nr. 224

31. mars 2000

AUGLÝSING

**um breytingu á aðalskipulagi Ísafjarðar 1989-2009,
Sindragata 16-18, hafnarsvæði.**

Samkvæmt 19. gr. skipulags- og byggingarlaga nr. 73/1997, hefur ráðherra þann 31. mars 2000 staðfest breytingu á aðalskipulagi Ísafjarðar 1989-2009 frá 1. ágúst 1990.

Blandaður reitur fyrir þjónustu og íbúðir breytist í hafnarsvæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Ísafjarðar. Skipulagsstofnun hefur afgreitt erindið til staðfestingar.

Umhverfisráðuneytinu, 31. mars 2000.

Siv Friðleifsdóttir.

Hrafn Hallgrímsson.

Nr. 225

31. mars 2000

AUGLÝSING

um breytingar á deiliskipulagi í Hafnarfirði.

Breyting á deiliskipulagi athafnasvæðis hestamannafélagsins Sörla.

Bæjarstjórn Hafnarfjarðar samþykkti breytingu á deiliskipulagi athafnasvæðis hestamannafélagsins Sörla, á fundi sínum þann 14. mars 2000.

Breytingin felst í endurskoðun á reið- og gönguleiðum ásamt stækkun á byggingarreit reiðhallarinnar.

Tillagan var auglýst samkvæmt 1. mgr. 26. gr. skipulags- og byggingarlaga nr. 73/1997 með síðari breytingum og yfirfarin af Skipulagsstofnun.

Breytingin öðlast þegar gildi.

Breyting á deiliskipulagi miðbæjar Hafnarfjarðar vegna Fjarðargötu 9.

Bæjarstjórn Hafnarfjarðar samþykkti breytingu á deiliskipulagi miðbæjar Hafnarfjarðar vegna Fjarðargötu 9, á fundi sínum þann 15. febrúar 2000.

Breytingin felst í nýbyggingu fyrir bankaútibú og héraðsdóm.

Tillagan var auglýst samkvæmt 2. mgr. 26. gr. skipulags- og byggingarlaga nr. 73/1997 með síðari breytingum og yfirfarin af Skipulagsstofnun.

Breytingin öðlast þegar gildi.

Breyting á deiliskipulagi iðnaðarsvæðis á Hvaleyrarholti.

Bæjarstjórn Hafnarfjarðar samþykkti breytingu á deiliskipulagi iðnaðarsvæðis á Hvaleyrarholti, á fundi sínum þann 4. janúar 2000.

Breytingarnar byggja á samþykktum skipulags- og umhverfisnefndar fyrir lóðirnar Eyrartröð 13, Melabraut 27 og Hvaleyrarbraut 33.

Tillagan var auglýst samkvæmt 1. mgr. 26. gr. skipulags- og byggingarlaga nr. 73/1997 með síðari breytingum og yfirfarin af Skipulagsstofnun.

Breytingin öðlast þegar gildi.

Hafnarfirði, 31. mars 2000.

E.h. Hafnarfjarðarbæjar,

Hafdís Hafliðadóttir skipulagsstjóri.

AUGLÝSING

um breytt deiliskipulag í Ísafjarðarbæ.

Sindragata 4.

Samkvæmt skipulags- og byggingarlögum hefur bæjarstjórn Ísafjarðarbæjar þann 23. júní 1999 samþykkt breytt skipulag lóðarinnar Sindragötu 4, Ísafirði.

Deiliskipulagið hefur verið sent Skipulagsstofnun til yfirferðar.

Skipulagið öðlast þegar gildi.

Flateyraroddi.

Samkvæmt skipulags- og byggingarlögum hefur bæjarstjórn Ísafjarðarbæjar þann 23. júní 1999 samþykkt breytt skipulag Flateyrarodda á Flateyri.

Deiliskipulagið hefur verið sent Skipulagsstofnun til yfirferðar.

Skipulagið öðlast þegar gildi.

Ísafjarðarbæ, 23. mars 2000.

Bæjarverkfræðingur Ísafjarðarbæjar,

Ármann Jóhannesson.

AUGLÝSING

um breytingu á deiliskipulagi Miðbæjarsvæðis, Akranesi.

Á fundi bæjarstjórnar Akraness þann 7. desember 1999 var samþykkt tillaga að breytingu á deiliskipulagi Miðbæjarsvæðis á Akranesi.

Breytingin nær til reits sem afmarkast af Kalmansbraut, lóðamörkum lóða við Esjuvelli og Dalbraut, Dalbraut og Stillholt. Jafnframt nær deiliskipulagið til ofangreindra gatna og